

कोचिंग सेंटर रेयाक् नियाम तालाय लागित् दिसहुदिस

जनवरी 2024

उच्च सेचेत् बिभाग सेचेत् मंत्रालय

भारोत सोरकार

बोतोलो

1. बाइतीकान पाठवा आच् ते गुजुक् रेयाक् मामलाको, आतारोक् रेयाक् घोटोनाको, सुबिताको रेयाक् टोण्टा साँव-साँव ते सेनेचेत् रेयाक् भावाँरको रेयाक् बाबोत रे निजी कोचिंग सेंटरको सालाक् जोनोडाव बाबोतरे ओकते -ओकते रे सोरकाराक् धेयान लावेर ओचोय ताहेन काना।

2. जाहाँनाक् गोटावाक् नीति से नियामताला रेयाक् ओभाव रे दिसाम रे बेनियामतालावाक् निजी कोचिंग सेंटरको रेयाक् लेखा बाइती इदीक् काना। नोङ्कान तालमाको दारायते पाठवा को खोन आडी बाइती फीस आँदाँय, पाठवा को रे आउडीयाक् चिनता रेयाक् फोलोन लेकाते पाठवा को दारायते आच् गुजुक्, आतार आर एटाक् घोटोनाको रेयाक् ओजे गोनोडान जियोन रेयाक् खुती, आर निया तालमाको दारायते आङ्गोचेत् कान एटाक् कदाचार रेयाक् घोटोनाको मीडिया रे पुस्टाउ लेकाते रिपोर्ट आकात्आ।

3. निया काथाको आयमा धाव संसद रे गालमाराब, चारचा आर कुलीको दारायते हों राकाप् आकादा।

4. नोआ धेयान रे दोहोय तुलुच् जे +2 थाक रेयाक् सेचेत् रेयाक् नियामतालाय पोनोत/ केंद्र सासोनाक् पोनोत सोरकार कोवाक् आङ्गीभार काना, ओनाइयाते निया संस्थानको दो पोनोत केंद्र सासोनाक् पोनोत सोरकारको दारायते भागे लेकाते नियामताला आकादा।

5. स्टूडेंट फेडरेशन ऑफ इंडिया बनाम यूओआई आर एटाक् रेयाक् मामला रे 2013 रेयाक् डब्ल्यूपी नंबर 456 रे होइपोरहो अपील मानोतान सुप्रीम कोर्ट रे केस लेत् ताहेंकाना जाहाँ रे सेचेत् मंत्रालय बादी लेकाते मित् टेन ए ताहेंकाना। होइपोरहो अपील रेयाक् फाँडाव माहित् 03.02.2017 रेयाक् हुकुम लेकाते एटाक् काथा को रेयाक् साँव-साँवते निया निर्देश रेयाक् साँवते कामीयाक्आ जे अपील रे राकाप् आकात् काथा, एनरेहों मोरमोवानाक् काना, आसोल लेकाते मित् नीतियानाक् मामला काना। आक्पील को लागित् नोआ इका ताहेना जे ओनको निया काथा जोनोडाव आमलाको सामाड राकाब मा जाहाँटाक् आन रेयाक् लेकाते निया रे बिचार दाडेयाक्आ।

6. उच्च सेचेत् बिभाग रेयाक् चिठी लेखा 32-6/2017-टीएस, माहित् 04.04.2017 दारायते संसद आर अशोक मिश्र समितियाक् रेयाक् रिपोर्ट बनार रे पुस्टाउ चारचा रेयाक् बिसाय रे निजी कोचिंग रेयाक् नियामताला रेयाक् बाबोत रे दो पोनोतको केन्द्रसासोनाक् पोनोतको खोन डोहटाव आकान संस्थानको लागित् नियामताला आर केटेच् साजाई बेबोसताय लागित् कामीतोराव रेयाक् ए नेहोर लेत् ताहेंकाना। निया चिठी रें पोनोत केन्द्रसासोनाक् पोनोतको खोन पाठवा आच् ते गुजुक् रेयाक् उपाई लागित् न्यायमूर्ति रुपनवाल तुहकीत आयोग दारायते सोलहा एम आकात् 12 उपाई रे बिचार लागित् ए नेहोर आकात् ताहेंकाना।

7. चिठी लेखा 32-6/2017 टीएस. आई 14.08.2019, कोचिंग सेंटरकोवाक् नियामताला बाबोत रे, पोनोंत आर केन्द्र सासोनाक् पोनोंतको खोन गापान आन खाश्चा रेयाक् दारायते आयाक् आइदारी टोठा रे कोचिंग सेंटरको रेयाक् नियामतालाय लागित् लाकतीयाक् कामीय लागित् ए नेहोर लेत् ताहेंकाना, चेदाक् जे नोआ मुद खोन आधेन कोचिंग सेंटर स्कूल थार रे लाइचाडोक् काना आर ओना इयाते पोनोंत /केन्द्र सासोनाक् पोनोंत सोरकार आक् सोझे ताला रे होयोक् काना।

8. दोहडा चिठी लेखा 32-18/2020-टीएस.आई माहित 24.12.2020, माहित 04.04.2017 आर 14.08.2019 रेयाक् चिठीको रेयाक् बाबोत हाताव तुलुच्, पोनोंतको /केन्द्र सासोनाक् पोनोंतको खोन पाठवाकोवाक् रुखिया गोठाय आर आउडीयाक् कोचलोन खोन बाश्चाव लागित् गानोक् आनानाक् खाश्चा रेयाक् दारायते निया कोचिंग सेंटरको नियामतालाय लागित् नेहोर लेत् ताहेंकाना।

9. हितधारक को सालाक् पुस्ताउ सोलहा रेयाक् तायोम 29.07.2020 हिलोक दिसामरियारी सेचेत् नीति 2020 (एनईपी 2020) रेयाक् उछान सामाड आकादा। एनईपी 2020 रेयाक् आसोल काडेरको मुद खोन मित् 'योगात्मक तुलाजोखा' रेयाक् इका कातेन चेदोक् रेयाक् जाव उपतानानाक् तुलाजोखा रे धेयान एमागाक्आ जाहाँटाक् तेहेजाक् 'कोचिंग आरीचाली' ए उसासेत् काना।

10. एनईपी 2020 आयाक् पैरा 4.36 रे बोर्ड बिडाउ को आर भुरतीक् बिडाउ को सालाक् माध्यमिक स्कूल बिडाउको रेयाक् निताक् बेवहार, तेहेजाक् कोचिंग आरीचाली आर नोआ रेयाक् खुतियानाक् एसेर को ओरोमेत् काना।

11. एनईपी 2020 रेयाक् पैरा 4.37 कोचिंग चानाच् को एहोप् रेयाक् लाकती चाबाय लागित् बोर्ड आर भुरती बिडाउको रेयाक् मेनाक् भावाँर रे सुधराउ रेयाक् सोलहाय एमोक् कानाय।

12. पैरा 4.38 एयाक् काथाको रेयाक् साँव-साँवते बाइती लेबडेच् तेत् रेयाक् कुसी आर बारया मुद खोन सिरावाक् कुरुमुट्टको एहोव रेयाक् सोलहाय एमोक् काना, नोङ्कान ओनमान जाहाँटाक् आसोल खेमोताको रेयाक् बिडाउ एत् काना आर बोर्ड बिडाउको रेयाक् आर बाइती बेभारानाक् मॉडल उतनाउ एत् काना जाहाँटाक् तेन आर कोचिंग आरीचालीय कोम एत् काना।

13. एनईपी 2020 रेयाक् पैरा 4.42 रे मेन आकात्आ जे जेगेतबिरदागाड भुरती बिडाउको रेयाक् काडेर मित् लेका होयोक्आ। दिसामरियारी बिनिडाउ एजेंसी (एनटीए) बाछडी कोम खाच् कोम बार धाव सिरा गुनानाक् सोमान्य खेमोता बिडाउ रेयाक् साँव-साँवते साँडेस, मानविकी, पारसी, री आर बानिजानाक् बिसायको रे खास सोमान्य बिसाय बिडाउ होय ओचोक् रेयाक् ए कामीया। निया बिडाउको बिचारानाक् बुझाउ आर गेयान लागूय रेयाक् खेमोता बिनिडाउ ए हातावा आर निया बिडाउको लागित् कोचिंग हाताव रेयाक् लाकतीको चाबाय रे जोस दोहोया। पाठवा बिडाउ एम आन बिसायको रेयाक् बाछाव रे सोमोल होयोक् आय, आर मिमित् जेगेतबिरदागाड मिमित् पाठवावाक् निजाक् बिसाय पोर्टफोलियो को जेल दाडेयाक्आ आर निजाक् रोच को आर खेमोताको लेकाते पाठवाको आकोवाक् कामीहोरा रे भुरती दाडेयाक् आको।

14. हालीगे सोदोराकात् दिसामरियारी पाइहावतारी खाश्चा रे कोचिंग आरीचाली चाबाय रेयाक् कामीधारा ते जोनोडाव काथाको रे हों पासनाव ते चारचा आकात्आ।

15. सोरकार, कॉमन यूनिवर्सिटी एंट्रेस टेस्ट (सीयूईटी), 13 टोठारिया पारसीको रे भुरतीक् बिडाउ ओराम लागित्, उच्च सेचेत् संस्थान (एचईआई) रे सीट को रेयाक् लेखा रे मेनाक् पासनाव आर बाइती थापना जेलेका काथाको जुम लागित् एनईपी, 2020 रेयाक् लेकाते एहोप् आकादा। बाइती सिरा गुणानाक् सिरा सेचेत् संस्थान मेनाक्आ। दिसामरियारी पाइहावतारी रेयाक् खाश्वा (एनसीएफ) स्कूलको रे पाइहावतारी जोनोडाव मामलाको आर बोर्ड बिडाउको सालाक् जोनोडाव मामलाको सेलेद लागित् पुस्टाउ धाप् राकाप् एत् काना जाहँटाक् नितोक् आउडियाक् ओबोसता रे एनेमेत् कानाय।

16. पाठवाको एनईईटी (यूजी) आर जेईई (आसोल) भुरती बिडाउ लागित् भागे लेकाते हेवाय रे गोडो लागित् दिसामरियारी बिडाउ एजेंसी (एनटीए) रे उम्मीदवारकोवाक् सिरा गुणानाक् माँक हाबिच् सेटेरोक् रेयाक् सुबित एम लागित् मित् मोबाइल ऐप 'नेशनल टेस्ट हेवा' एनका ते ऑनलाइन बिडाउ ओराम आकादाय।

17. दिग्धावानाक् विज्ञापन उछानान कोचिंग सेंटरको निजी सिरा सेचेत् संस्थानको रेयाक् बिरुद बेक्भारिया संरक्षण अधिनियम, 1986 रेयाक् प्रावधानको रेयाक् उमुल रे लाकतीयाक् कामीय लागित् मामला बेक्भारिच् मामला विभाग रेयाक् सामाङ हों राकाप् दाइयाक्आ।

मीय लागित् मामला बेक्भारिच् मामला विभाग रेयाक् सामाङ हों राकाप् दाइयाक्आ।

18. सेचेत् समवर्ती सूची रे मेनाक्आ, पोनोत आर केन्द्र सासोनाक् पोनोत सोरकार हों निया मामला रे खाँचाइ कामी रेयाक् लाकती मेनाक्आ।

19. आधेन पोनोतको केन्द्र सासोनाक् पोनोतको दो आको-आकोवाक् आइदारी टोठा रे निजी कोचिंग आर ट्यूशन चानाच को नियामतालाय लागित् गानोक् आन खाश्वा रेयाक् दारायते एहोप् आकादा, जेलेका जे बिहार कोचिंग संस्थान (कोबोज आर नियामताला) अधिनियम, 2010 [बिहास अधिनियम 17, 2010], गोवा कोचिंग क्लासेस (नियामताला) अधिनियम, 2001(2001 रेयाक् गोवा अधिनियम 27), उत्तर प्रदेश कोचिंग नियामताला अधिनियम, 2002 [यूपी अधिनियम लेखा 2002 रेयाक् 5], कर्नाटक ट्यूटोरियल संस्थान (रेजिस्ट्रेशन आर नियामताला) नियम 2001 [कर्नाटक सेचेत् अधिनियम 1983 (1995 रेयाक् कर्नाटक अधिनियम 1) रेयाक् धारा 145 रेयाक् जोगधारा (1) दारायते एम आकात् दाइको रेयाक् बेभार ते बेनाव आकात्आ], मणिपुर कोचिंग संस्थान (कोबोज आर नियामताला) अधिनियम, 2017 (2017 रेयाक् अधिनियम लेखा 8) एमान। राजस्थान कोचिंग संस्थान (कोबोज आर नियामताला) बिल, 2023 हों सानाम को बाडाय रे मेनाक्आ आर पाठवा कोवाक् चिनता को कोम आर मोने निफुट रे सुधार लागित् हालेगे दिसहुदिस एम आकात् कोआ। कोचिंग संस्थानको रे भुरतीक् लागित् राजस्थान सोरकार दारायते 27.09.2023 हिलोक सोदोर आकादा।

20. जोखेच् जे निजी कोचिंग सालाक् जोनोडाव काथाको रेयाक् फाण्डाव लागित् मोरमोवानाक् धाप् राकाप् आकादा, बैआनताला निजी कोचिंग सेंटरको रेयाक् लेखा रेयाक् ओजे मित् माँडल दिसहुदिस/ नीति बेनाव रेयाक् लाकती मेनाक्आ, जाहँटाक् पोनोत /केन्द्र सासोनाक् पोनोत लाकतीक् आन खाश्वा रेयाक् दारायते कामीतोराव लागित् ए आङ्गोच् दाइयाक्आ।

21. केन्द्र सोरकार निजी कोचिंग सेंटर सालाक् जोनोडाव काथाको रेयाक् फाण्डाव लागित् आर गानोक् आनानाक् खाञ्चा रेयाक् दारायते पोनोतको /केन्द्र सासोनाक् पोनोतको दारायते आङ्गोच् लागित माँडल दिसहुदिस /नीति बेनाव लागित् ए प्रस्तावेत् काना।

1. बोहोक् जुतुम

कोचिंग सेंटर रेयाक् रेजिस्ट्रेशन आर नियामताला लागित् दिसहुदिस 2024

2. होर उदुक् को रेयाक् जोस

जाहाँ गे पानाइहाव कामीहोरा, हापाराव बिनिडावको से सेचेतरियारी गोडो रे पाठवा को भागे होर उदुक् आको आर गोडो लागित् ते कोचिंग सेंटर रेयाक् नियामतालाय लागित् होर उदुक् एमा कोआ।

3. होर उदुक् को रेयाक् लाकती

(i) कोचिंग सेंटरको रेयाक् रेजिस्ट्रेशन आर नियामताला लागित् खाञ्चा एमाको।

(ii) कोचिंग सेंटर चालाव लागित् कोम उतार मानक लाकतीकोवाक् सोलहा एम।

(iii) कोचिंग सेंटरको रे भुरतीयाकान पाठवा कोवाक् हितको रुखियाय।

(iv) पाठवा कोवाक् जोतो लेकाते उतनाउ लागित् कोचिंग सेंटरको साँवते सोहोत पाइहावतारी बाबोत कामीकासनीको रे हों धेयान एम रेयाक् सोलहा एमाको।

(v) पाठवा कोवाक् हुदिस पोरहो लागित् कैरियर होर उदुक् आर मोने साँडेसानाक् सोलहा एम ओचोको।

4. लायारी

(i) अपीलानाक् प्राधिकारी रेयाक् माने ओण्डेनिच् सोरकार दारायते जुमतालावाकादे मित् आमला काना,

(ii) कोचिंग रेयाक् माने काना 50 खोन बाइती पाठवा को एमाको कान सेचेत जाहाँ गे चाङ्गा रे ट्यूशन, लाई उदुक् से होर उदूक्, मेनखा नोआ रे खेलोड, एनेच् थिएटर आक एटाक् रचनात्मक कामीकाकनी सोलहा सेलेत् बानुक्आ,

(iii) कोचिंग सेंटर रे 50 खोन बाइती पाठवा को लागित् स्कूल, कॉलेज आर जेगेतबिरदागाड थार रे जाहाँ गे पानाइहाव कामीहोरा से हापाराव बिडाउ को से पाठवा कोवाक् सेचेतरियारी गोडो लागित् कोचिंग एमाको लागित् जाहाँ होइ दारायते थापनावाक्, लाइचाडाक् से सासोनानाक् सेंटर सेलेत् मेनाक्आ।

(iv) सोमोल प्राधिकारी रेयाक् माने ओण्डेन सोरकार दारायते जुम आमला कानाय,

(v) सोरकार रेयाक् माने काना ओना टोठा आइदारीवान केन्द्र सोरकार, पोनोत /केन्द्र सासोनाक् पोनोत सोरकार,

(vi) 'संस्था' रेयाक् माने काना स्कूल से जाहाँन एटाक् सेनेचेत् संस्थान जाहाँटाक् जाहाँय बोर्ड दारायते बातावाक् से कोबोजाक् से ओना सालाक् जोनोडाव से पोनोत/ केन्द्र सासोनाक् पोनोत सोरकार दारायते कोबोजाक् से बाताव आम आकात्, मित् जोनोडाव कॉलेज आर जोनोडाव कॉलेज, मित् गोठोनाक् कॉलेज, मित् जेगेतबिरदागाड से सेनेचेत् काना। केन्द्र सोरतार से पोनोत/ केन्द्र सासोनाक् पोनोत सोरकार आक् अधिनियम रेयाक् उमुल रे थापना संस्थान;

(vii) 'होड' रेयाक् माने मित् होड काना आर नोआरे होडकोवाक् मित् दोल से मित् कॉर्पोरेट निकाय, से मित् ट्रस्ट, फर्म से सोसायटी से मित् संस्था सेलेत् मेनाक्आ;

(viii) 'मालकार' रेयाक् माने कोचिंग सेंटर रेन मालकार कानाय जाहाँय रजिस्ट्रेशन ए मेनेत् काना से रजिस्ट्रेशन आकाना आर नोआरे जुमित् मालकार हों सेलेत् मेनाया;

(ix) ट्यूटर रेयाक् माने उनी होड कानाय जाहाँय कोचिंग सेंटर रे पाठवा को होरे उदुक आको काना से गाखुडेत् कोआ आर नोआ रे खास ट्यूशन एमानाक् ट्यूशन हों सेलेत् मेनाक्आ।

(x) जेगेतबिरदागाड रेयाक् माने जाहाँन केन्द्राक् अधिनियम, पोनोतिया अधिनियम से पोनोत अधिनियम दारायते से ओना रेयाक् उमुल रे थापना आकात् से निगमित जेगेतबिरदागाड मेनाक्आ, आर नोआरे नोडकान जाहाँगे संस्था सेलेत् मेनाक्आ, जोनोडाव जेगेतबिरदागाड रेयाक् सोलहा ते यूजीसी अधिनियम रेयाक् उमुल निया जोनोडाव रे बेनाव आकात् नियामको रेयाक् लेकाते यूजीसी दारायते बाताव आम होयोक् लाकतीया।

5. कोचिंग सेंटर रेयाक् रजिस्ट्रेशन

(i) जाहाँय होड निया होर उदुक को रेयाक् प्रावधान को लेकाते नोडका कोचिंग सेंटर रेयाक् लाहा रजिस्ट्रेशन रेयाक् तायोम गे कोचिंग ए एम दाडेयाकोआ से कोचिंग सेंटर ए थापना दाडेयाक्आ, चालावाय, बेबोसतायाय सं जार जोगावा।

(ii) होर उदुगाक् रेयाक् कामीतोराव रेयाक् माहित् रे मेनाक् कोचिंग सेंटर, होर उदुगाक् रेयाक् कामीतोराव रेयाक् माहित् खोन पे चाँदो रेयाक् ओकते भितरी रे रजिस्ट्रेशन लागित् ए आरदासा।

(iii) कोचिंग सेंटर रेयाक् रजिस्ट्रेशन लागित् आरदास उनी सोमोल प्राधिकारी ए एमाया जाहाँयाक् ठाँवेल आ इदारी टोठा रे नोडकान कोचिंग सेंटर मेनाक्आ, नोडकान फॉर्म रे, नोडकान फीस आर दस्तावेज को सालाक् जाहाँटाक् ओण्डेन सोरकार दारायते लाई आकात् दाडेयाक्आ।

(iv) कोचिंग सेंटर रेयाक् आयमा चाङ्गा होयोक् ओबोसता रे, नोङ्कान मिमित् चाङ्गा जुदा कोचिंग सेंटर मानावा आर मिमित् चाङ्गा रेयाक् रजिस्ट्रेशन लागित् मिद् जुदा आरदास जोमाय लाकती गया।

(v) सोमोल प्राधिकारी, कोचिंग सेंटर रेयाक् रजिस्ट्रेशन लागित् नेहोर जाम होयोक् रेयाक् माहित् खोन पे चाँदो रेयाक् भितरी से गोयावाक् प्रपत्र रे रजिस्ट्रेशन पोरमान साकाम एमायाय से आरदासिच् दो रिर्काँडिंग तायोम नोङ्कान रजिस्ट्रेशन एमा खोन ए बाङ् रेयाक् आयाक् हुकुम रेयाक् बाबोत रे बाडाय ओचोवाय नोङ्कान ओजे रेयाक् ओलाक् ओजे हुयुक् लाकतीया।

मेनखान जे जोनोडाव होङ् दो आयाक् काथा दोहोय रेयाक् नापाय दाँव एम इका कातेन रजिस्ट्रेशन बाय होय ओचोय रेयाक् हुकुम बाय पासा।

(vi) रजिस्ट्रेशन पोरमान साकाम रेयाक् बानाताव रेयाक् ओकते सीमा ओण्डेन सोरकार दारायते गोटाक्आ, जाहाँतिन हाबिच् जाहाँन ओजे खोन लाहा बाङ् बातिल एत् काना।

(vii) मिमित् रजिस्ट्रेशन आकात् कोचिंग सेंटर नोङ्का रजिस्ट्रेशन रेयाक् ओकते चाबा रेयाक् माहित् खोन बार चाँदो खोन लाहा सोमोल प्राधिकारी ठेन रजिस्ट्रेशन पोरमान साकाम नावाँआरोय लागित् नोङ्कान फॉर्म रे, नोङ्कान फीस आर दस्तावेजको सालाक् नेहोराय जाहाँटाक् ओण्डेन सोरकार दारायते लाई उदुक् दाङ्ग्याक्आ।

(viii) सोमोल प्राधिकारी, गोटावाक् प्रपत्र रे रजिस्ट्रेशन रेयाक् नावाँआरोय लागित् आरदास जाम होय लेन रे आर गोटावाक् फीस एम लेन रे, रजिस्ट्रेशन ओकते रेयाक् चाबा खोन लाहा रजिस्ट्रेशन लेखा रेयाक् नावाँआरोय लागित् आरदास रे गोटा दाङ्ग्याक्आ आर नावाँआरो ओचो दाङ्ग्याक्आय। पोरमान साकाम से नोङ्का बाङ् सिकार रेयाक् ओजेको ओल दोहो तायोम, रजिस्ट्रेशन ओकते चाबा खोन लाहा आरदासिच् दो नोआ रेयाक् बाङ् सिकार रेयाक् बाबोत ते बाडाय ओचो दाङ्ग्याया।

मेनखान जोनोडाव होङ् काथा दोहोय रेयाक् दाँव एम इका कातेन रजिस्ट्रेशन बाङ् सिकार बाबोत हुकुम बाय पासा

(ix) गानोक् सोरकाराक् कोमउतार मानवाँ इंटरफेस सालाक् फेसलेस भावाँर ते कोचिंग सेंटर रेयाक् रजिस्ट्रेशन रेयाक् सुबिता लागित् ते वेब-पोर्टल ऑनलाइन तोनतरोय बेनावा।

6. रजिस्ट्रेशन रेयाक् सोरतो को

(i) जाहाँय कोचिंग सेंटर नोंका बाय कामिया-

(ए) स्नातक खोन कोम खेमोतावाम ट्यूटर्स को आचू कोय।

(बी) एंगा-आपा पाठवा कोचिंग सेंटर रे भुरतीक् लागित् दिग्धावानाक् काथा से रैंक से भागे नंबर रेयाक् गारंटी एमाको

(सी) 16 सेरमा खोन कोम उमेर रेन पाठवा कोवाक् भुरतीकोम से पाठवावाक् भुरती माध्यमिक् स्कूल बिडाउ तायोम होयोक् लाकतीया।

(डी) जाहाँ गे दाबीय सालाक् जोनोडाव जाहाँन दिग्धावानाक् बिज्ञापन सोझे उछान से उछान ओचोय से उछान रे सेलेदोक् से दानाड लेकाते , कोचिंग रेयाक् गुनतेत् से ओना रे एमोगाक् सुबिताको से नोङ्कान कोचिंग सेंटर दारायते जाम फोलोन से उनी पाठवा जाहाँय नोङ्कान चानाच रेय सेलेत् आकाना।

(ई) रजिस्ट्रेशन होयोक् लाकतीया, जुदी नोआ रे मिमित् पाठवा कोमउतार रेयाक् जायगा रेयाक् लाकती खोन कोम मेनाक्आ।

(एफ) जाहाँय गे माचेत् से होडाक् सेवाको हाताव, जाहाँर नैतिक बेसोमोल सालाक् जोनोडाव काई लागित् दुसी आकादेया।

(जी) उनहाबिच् रजिस्ट्रेशन ताहेना जाहाँतिन हाबिच् जे नोआ रे निया होर उदुगाक् को रेयाक् लाकती लेकाते सोलहा भावाँर बानुक्आ। ।

(ii) कोचिंग सेंटर ठेन मित् वेबसाइट होयोक्आ जाहाँर ट्यूटर्स कोवाक् लेकमानतेत्, पाडहावतारी, पाडहावहो रा /पुराक् रेयाक् ओकते, पाठवा बासा रेयाक् सुबिता (जुदी मेनाक् खान), आर हातावेत् कान फीस, आवसान ओडोकोक् नीति, फीस रुवाड नीति, पाठवा कोवाक् लेखा रेयाक् नावाँ बेवरा ताहेना। सेंटर खोन कोचिंग को हाताव केदा आर मुचात रे आधेन पाठवा सिरा सेचेत् संस्थान को एमान रे भुरतीक् रे को सोफोल एना।

(iii) कोचिंग सेंटर ठाँवेल टोठारिया आइदारी रे लागु जुदा रजिस्ट्रेशन सालाक् एटाक् –एटाक् आनको, निया मको, नियामतालवाक् को एमान रेयाक् बाताव होयोक्आ।

7. रजिस्ट्रेशन लागित् आरदास साँव सेलेदोगोक् आन दस्तावेज

(i) कोचिंग सेंटर रेयाक् रजिस्ट्रेशन लागित् मिमित् आरदास सालाक् मालकार दारायते मित् किरया साकाम सेलेदाय जे-

(ए) उनी एकेन ‘रजिस्ट्रेशन आक् कोचिंग सेंटर’ साबाद ए बेभारा आर जाहाँगे साइन बोर्ड से जाहाँन प्रॉस्पेक्टस सं चिठीबेभार से जाहाँगे बेबोहार रेयाक् जोगाजोग से जाहाँगे जायगा रे ‘बाताव जामाक्’ से ‘बातावाक्’ साबाद को बाय बेभारा;

(बी) ओनको पाठवा को लागित् कोचिंग चानाच को जाहाँय संस्थानको /स्कूलको रे पाइहावेत् कोआ, ओनकोवाक् संस्थानको /स्कूल ओकते तालाको रे बाङ ओराम दाइयाक्आ;

(सी) ट्यूटर्स आक् लेकमानतेत्,, कोचिंग क्लास रेयाक् ओकते तालिता, हाताव आकात फीस आर कोचिंग क्लास रेयाक् बाबोत रे लाई आकान सोमानय बापाडाय रेयाक् बाबोत रे लाकती बापाडाय वेबसाइट आर आखडा रे आसोल जायगा रे कोचिंग सेंटर रेयाक् नोटिस बोर्ड रे उदुगा;

(डी) उनी से कोचिंग सेंटर रे जाहाँ लेका ते गे आचू माचेत् से होइ आक् नैतिक बेखेमोता सालाक् जोनोडाव काई लागित् बाको दुसी आकादे आर माचेत् रेयाक् बिरित रे जाहाँगे फेराव रेयाक् बाबोत रे लागे सोमोल प्राधिकारी दो बाडाय ओचोयेया;

(ई) ओना कोचिंग क्लास रे भुरती जामान पाठवाको रेयाक् लाई आकान लेखा सालाक् जोनोडाव सोरतो को रेयाक् ए बातावा;

(एफ) उनी निया होरउदुक को रेयाक् एटाक् नियामको आर सोरतोय बातावा;

(ii) रजिस्ट्रेशन रेयाक् नावाँ आरोय लागित् आरदास सालाक् चार्टर्ड अकाउंटेंट दारायते तुहकीत पाछवावाक् खाताको रेयाक् बेवरा रेयाक् मित् काँपी सेलेदाय।

8. फीस

(i) एटाक् एटाक् पाइहावतारी/ पाइहावकामीहोरा लागित् हातावेत् कान ट्यूशन फीस गापानाक् आर गापान होयोक् आर हातावाकात् फीस रेयाक् रसीद को एम लाकतीया।

(ii) कोचिंग सेंटर दो एटाक् एटाक् पाइहावतारी पाइहावकामीहोरा, ओना रेयाक् पुराक् ओकते, क्लास को रेयाक् लेखा, व्याख्यान, ट्यूटोरियल, पाठवाबासा सुबिताको (जुदी मेनाक् खान), आर हातावेत् कान फीस, आवसान ओडोक नीति, फीस रुवाइ एमान रेयाक् सोदोर तुलुच् मित् प्रॉस्पेक्टस ए उछाना। निया बेवारा ओ डाक् रेयाक् राचा रे आसोल आर जामोक् जायगा रे हों सोदोर काक्आ।

(iii) प्रॉस्पेक्टस, नोट्स आर एटाक् जिनिंस कोचिंग सेंटर दारायते आच् रेन भुरतीयाकान पाठवा को बेगोर आ इती फीस तेय एमा कोआ।

(iv) जुदी पाठवा दो पाइहावतारी रेयाक् पुरा काउडीय एम आकादा आर गोटावाक् ओकते रेयाक् ताला रे पाइहावतारीय बागीयाक् काना, खान पाठवा दो सारेच् ओकते लागित् माडाङ जोमा आकात् फीस मुद खोन उजीयानाक् लेकाते 10 माहा भितरी रे रुवाइ काताया। जुदी पाठवा कोचिंग सेंटर रेयाक् हॉस्टल रेय ताहेन काना खान हॉस्टल फीस आर मेस फीस हों रुवाइ काताया।

9. बुनयाद सापाप् रेयाक् लाकतीको

(i) कोचिंग सेंटर रेयाक् आसोल गोडहोन रेयाक् भितरीरे मित् क्लास कान्दहा बैच रेयाक् ओकते मिमित् पाठवा लागित कोम खाच् कोम मित् वर्ग मीटर टोठा एम दाडेयाया। भुरतीयाकान पाठवा कोवाक् लेखा लेकाते पुरुन बुनयाद सापाप् होयोक्आ।

(ii) कोचिंग सेंटर ओडाक् दो सेंगेल रुखिया कोड, ओडाक् रुखिया कोड आर एटाक् मानक को बाताव होयोक्आ आर ओण्डेन सोरकार दारायते गोटावाकादे गानोक् आमलाको ते सेंगेल आर ओडाक् रुखिया पो रमान साकाम जाम होयोक् ताया।

(iii) पाठवा कोवाक् गोडो लागित्, कोचिंग सेंटर रे एतोहोप् चिकिसा जिनिस् आर चिकिसा गोडो/रानोक् सुबिता ताहेना। हास्पलात, आचका सेवाको लागित् डॉक्टर, पुलिस हेल्पलाइन बेवरा, सेंगेल आडिच् सेवा हेल्पलाइन, तिरला हेल्पलाइन एमान जेलेका रेफरल सेवाको रेयाक् सूची उदुक् काक्आ आर पाठवा को ओना बाबोत रे बाडाय ओचो कोआ।

(iv) कोचिंग सेंटर रेयाक् ओडाक् एकाल ते बिजलीयाक्, भागे लेकात् होयानाक् आर ओडाक् रेयाक् मिमित् क्लास कान्दहा रे पुरुन तारास बेबोसताया।

(v) सेंटर रेन सानाम पाठवा को आर कामीयाको लागित् रुखिया आर जूय गानोक् दाक् ताहेंन मा।

(vi) कोचिंग सेंटर रे जाहाँ गे लाकती होयोक्, सीसीटीवी केमरा गानोक् लेकाते लागावा आर रुखिया भागे लेकाते जोगाव होहोया।

(vii) पाठवा कोवाक् लालिस ओल ओचोय लागित् कोचिंग सेंटर रे मित् लालिस बाँक्स से रजिस्टर दोहो काक्आ। कोचिंग सेंटर रे पाठवा कोवाक् लालिसको /लालिस को रेयाक् फाण्डाव लागित् समिति होयोक्आ।

(viii) कोचिंग सेंटर ओडाक् राचा रे कोडा आर कुडीको लागित् जुदा जुदा आपसोरोक् ओडाक् बेबोसताया।

10. पाडहावकामीहोरा

10.1 क्लासको

(i) कोचिंग सेंटर प्रॉस्पेक्टस रे लाई आकात् गोटा ओकते रे क्लासको पुरुन रेयाक् ए कुरुमुट्टया।

(ii) ओनको पाठवाको लागित् कोचिंग सेंटर क्लासको जाहाँय संस्थानको स्कूलको रे पाडहाक् काना, उनीयाक् संस्थानको स्कूलको रेयाक् ओकते रेयाक् ताला रे बाड ओराम दाडेयाक्आ, जाथेते नोड्कान संस्थानको स्कूलको रे उनीयाक् जाव सेटेर बाड एसेरोक् ताय मे आर डमी स्कूल को खोन ए बाध्नाव दाडेयाक्आ।

(iii) जाहँय पाठवा को आयाक् सेचेत् रे आइती गोडो रेयाक् लाकती मेनाक्आ, उनी दो उपायानाक् से सोहो त क्लास को एम दाइयाया।

(iv) पाठवा को जिराक् आर निफुट ताहेन रेयाक् छाइ एम लागित् ते पाइहावतारी क्लास ओकते तालिका रे नापाय लेकाते जुदा-जुदा जायगा रे दोहोय लाकतीया आर निया लेकाते ओनको रे बाइती आँट बाइ होयोक् लाकतीया।

(v) कोचिंग सेंटर पाठवा को आर माचेत् को लागित् हापताकिया जिरावमाहाँ गेटाया।

(vi) हापताकिया जिराव रेयाक् दाराय माहाँ जाहाँन तुलाजोखा बिडाउ बिडाउ बाइ होयोक्आ।

(vii) जोनोडाव टोठा रे मोरमोवानाक् आर होइताला पोरोप को रेयाक् ओकते रे कोचिंग सेंटर छुटी को लेका गया बेभारा जे पाठवा आकोरेन धारोअ सालाक् को आपाम दाइयाक् मा आर ओनको भावनातेत् हाराक् ताकोमा।

(viii) कोचिंग सेंटर निया लेका ते कोचिंग क्लास को लाइचाइ जे नोआ मित् टेन पाठवा लागित् बाइती बाइ होयोक् आर नोआ मित् माहाँ रे 5 ताडाइ खोन बाइती बाइ होयोक् आर कोचिंग रेयाक् ओकते बाइ दो सेताक् आडी चाँइ होयोक् आर बाइ दो बाइती आयुप् हाबिच् होयोक् मा।

(ix) कोचिंग सेंटर पाठवा को लागित् जियोन हुनार, साँडेसानाक् सोभाव आर साबुत लेकाते हुदिस उतनाव रे सोलहा क्लास हों ओराम लाकतीया, गाइहावानाक् आर नावाँवाक्, फिटनेस, निफुट, भावना लेकाते सेलेदोक् आर हुदिस पोरहो, उमेर तेयाक् आनाट को, उदगाउ, गोडो आर टीम लेकाते कामीय, आनाट फाण्डाव आर तो रकोवानाक् तोरको, नैतिक आर नैतिक तोरको, मानवाँवानाक् आर संबिधानरियारी गोनोड को रेयाक् गेयान आर हेवा, निजाक् रुखिया (जानाड लेकातेयाक् बाइच् बेभार रोकाव), आसोल कामी, नागरिकता हुनार आर गोनोड, भारोत रेयाक् गेयान, ओनोरोल फारचा आर फारचा जागवार एमान।

10.2 कोचिंग सेंटर दाराय ते आचार संहिता

(i) मिमित् क्लास/ बैच रे भुरतीयाकान पाठवा कोवाक् लेखा प्रॉस्पेक्टस रे पुस्टाउ लेकाते लायारी ताला दाइयाक्आ आर वेबसाइट रे उछान दाइयाक्आ। जाहाँ गे ओबोसता रे पाइहावतारी रेयाक् ओकते रेयाक् तालारे क्लास /बैच रे नोइकान भुरती रे बाइ बाइतीया।

(ii) भुरतीयाकान पाठवा कोवाक् लेखा मिमित् क्लास रे मित् निफुट माचेत-पाठवा उजी जोगाव दोहोया आर ट्यूटर आर सोलहा एक्मोक् को सालाक् सागाई बेनाव लागित् बाइती दाँव सिरजाउ रेयाक् लाकतीको लेकाते होय दाइयाक्आ। नोआ रिकाय लाकतीया जे पाठवा ट्यूटर सालाक् मेसाक् रे सोमोल होयोक् आर पाठवा टेन स्क्रीन/ ब्लैकबोर्ड हाबिच् आवसान ते सेटेर आर जेलोक् मा।

(iii) कोचिंग सेंटर 16 सेरमा खोन कोम उमेर रेन पाठवावाक् भुरती बाड हाताक्आ से पाठवावाक् भुरती एकेन माध्यमिक् स्कूल बिडाउ रेयाक् तायोम होयोक् लाकतीया।

(iv) पाठवा को पाडहावतारी रे भुरतीक् खोन लाहा बिडाउ रेयाक् आनाटतेत्, पाडहावतारी, सापडाव रेयाक् तापिस रेत आर पाठवा खोन लाकतीयाक् कुरुमुट्ट को रेयाक् बाबोत रे भागे ते बाडाय ओचो कोआ।

(v) पाठवा कोवाक् सेनेचेत् आबोहावा, आरीचालीरियारी जियोन, सानारीतेत् को आर स्कूल थाक रेयाक् बिडाउको आर हापाराव बिडाउ को रेयाक् सापडाव रेयाक् भेनेगार बाबोत जागवार कोआ।

(vi) इंजीनियरिंग आर मेडिकल संस्थानको रे भुरतीक् रेयाक् बिकल्पको रेयाक् इका कातेन, पाठवा को एटाक् करियर बिकल्पको रेयाक् बाबोत रे बापाडाय को एम दाडेयाकोआ जाथेते आयाक् आगोम इदीकात् चिनता डुबुच् बाय ताहेन आर एटाक् करियर रेयाक् नावाँ बिकल्प बाछ्वाव दाडेयाक्आ।

(vii) पाठवावाक् खेमोता रेयाक् ओनमान लागित् भुरती से मॉक टेस्ट ओराम दाडेयाक्आ। पाठवावाक् खेमो ता आर रोच लेकाते, कोचिंग सेंटर एंगा-आपा दो पाठवावाक् रेयाक् जोथातानाक् आस लाई दाडेयाक्आ आर लाहा रेयाक् होर ए सोलहा दाडेयाया।

(viii) पाठवा आर गालिमको निया काथा बाडाय ओचो कोआ जे मेडिकल, इंजीनियरिंग, प्रबंधन, आन एमान संस्थान को रे भुरतीक् से हापाराव बिडाउ रे कोचिंग सेंटर रे भुरती जाहाँ लेकाते गे सोफोलोक् रेयाक् गारंटी बाड काना।

(ix) कोचिंग सेंटर दो हृदिस निफुट बिरितिया कोवाक् गोडोते पाठवा को हृदिस निफुट रेयाक् बाबोत रे ओकते-ओकते रे कार्यशाला आर जापाम गालमाराव सत्र ओराम लाकतीया।

(x) कोचिंग सेंटर दो पाठवा को आर गालिम को रेयाक् तालारे सेचेत सासतोर, पाडहावतारी रेयाक् ओकते सीमा आर कोचिंग सेंटर रे मेनाक् सुबिताको रेयाक् बाबोत रे जागवार सिरजाउ लाकतीया। उनी आच् रेन गिदराको रे आउडीयाक् हृदिस हामाल आर आसको रेयाक् हामाल रेयाक् बाडिच् एसेर रेयाक् बाबोत रे सो लहा एम दाडेयाक्आ।

(xi) कोचिंग सेंटर आच् दारायते ओरामेत् तुलाजोखा बिडाउ रेयाक् फोलोन सानाम होड लागित् बाय सोदो रा। तुलाजोखा बिडाउ दो ओको दोहोय तुलुच् नोआ रेयाक् बेभार पाठवा कोवा सेंडाय जाव बिछ्नाउ ला कतीया आर जाहाँय पाठवावाक् सेचेतरियारी सेंडान बाडिजोक् काना, उनी निया होर लाई रेयाक् प्रावधान को लेकाते सोलहा एम लाकतीया।।

11. सोलहा एक्मोक् को आर मोनेसाँडेसानाक् गोडो

(i) पाठवा को रे सिरा हापाराव आर सेचेतरियारी तेन रेयाक् ओजे, कोचिंग सेंटरको दो पाठवा कोवाक् हुदिस भलाई लागित् धाप् राकाप् लाकतीया आर आच रेन पाठवाको रे आउडीयाक् तेन एम बेगोर क्लास को लाइचाइ होयोक् लाकतीया। साँवते गे, उनी मुहिम आर चिनतावानाक् ओबोसता रे पाठवाकोवाक् जोस आर लेताइ गोडो एम लागित् लागे कामीय लागित् तोनतरो थापना लाकतीया।

(ii) सोमोल प्राधिकारी नोआ रिकाय लागित् धाप् राकाप् दाडेयाक्आ जे कोचिंग सेंटर दारायते मित् सोलहा भावाँर उतनाउ मा आर नोआ पाठवा को आर गालिमको लागित् आवसान ते जामोक् मा। मोनेसाँडेसानाक् को , सोलहा एकमोक् कोवाक् जुतुम आर उनीयाक् दारायते सेवाको एम रेयाक् ओकते रेयाक् बापाडाय सानाम पाठवाको आर गालीम को एम दाडेयाकोआ। पाठवा आर गालिम को लागित् एसेरानाक् होर उदुक् आर सो लहा रेयाक् सुबिता लागित् कोचिंग सेंटर रे गाखुडाव सोलहा एकमोक् को आचू दाडेयाकोआ।

(iii) कोचिंग सेंटर को मोनेरियारी चिनता आर बोहोक् घोर रेयाक् उपाइ लागित् पाठवा को सोलहा एम आर मोनचिकिसा सेवा एम लागित् सोलहा एकमोक्को आर गाखुडान मोने साँडेसिया को सेलेत् लागित् उसास एत् कोआ।

(iv) पाठवावाक् रोच, लेकमानतेत् आर खेमोता रेयाक् ओनमान लागित् करियर सोलहा एकमोक्को सेलेत् दाडेयाकोआ, आर ओना लेकाते सिरा उताराक् करियर बिकल्प बाछाव लागित् जोथातानाक् आसान पाठवा आर उनीरेन एंगा-आपा को होर उदुक् आर सोलहा एम दाडेयाकोआ।

(v) कोचिंग सेंटर दारायते मोनेरियारी निफुट आर भावना रोकाव रे एंगा-आपा, पाठवाको आर माचेत्को ला गित् जाव कार्यशालाको आर जागवार हापता ओराम दाडेयाक्आ। नोआ निफुट, भागे जोमाक्, निजाक् आर दिसाउली फारचा, मुहिम हेमसेम आर एतोहोप् चिकिसा रे बुनयाद सिखनात रेयाक् साँव-साँव ते पाउरा, थामाखुर आर एटाक् रानको रेयाक् खुतीयानाक् आर खुतीय एसेर को रेयाक् साँडेसानाक् बिछनाउ रे हों धेयान एमोक् लाकतीया। पाठवा कोवाक् मोनेरियारी निफुट, लेबडेच्तेत् आर आङगीभारानाक् आचू ते जेलोक् रेयाक् बाबोत रे सेंटर दारायते एंगा-आपा लागित् ओराम गालमाराव सत्र रे नापाय आसुल जोतोन रेयाक् काथा को रे हों जोर एमोक् लाकतीया।

(vi) पाठवा कोवाक् उनीयाक् सुधार रेयाक् टोठा को रेयाक् बाबोत रे एसेरानाक् लेकाते आर मोनेलागाव ते बापाडाय एमोक् लागित् माचेत् मोनेरियारी निफुट रेयाक् काथा को रे सिखनात एम दाडेयाकोआ।

(vii) सोलहा रेयाक् हिंस रेयाक् लेकाते रे कोचिंग सेंटर दो साँवतेन कामीया दोल जोगगोग थापनाय ला कतीया। कोचिंग सेंटर चारचाको, हापारावको आर पोन्थाको रे दोल- फेडात पाइहावकामीहोरा हेवा ओराम दाडेयाक्आ।

(viii) पाठवावाक् दिग्धा को फाण्डाव ओनको माचेत्को दारायते होयोक्आ जाहाँय दो क्लास रेय पाडहावेत् काना जाथेते पाठवाय तिरपित ए आटकार मा।

(ix) कोचिंग सेंटर लातार रे एम आकात लेकाते संस्थान रे मोनेरियारी निफुट को बाइतीय रेयाक् होरा को बातावा:

मोनेरियारी निफुट बाइतीय लागित् होर-डाहार		
आनाट रेयाक् थाक	हितानाक् सेलेदोक्	कामीय रेयाक् थाक
मोनेरियारी निफुट	सानाम संस्थावान दोलको	संस्थावानाक् पाडहावतारी रे मोनेरिया री पोरहो जुमित आकादा।
मोनेरियारी निफुट गेयान नाजेर आर बेभार	सानाम पाठवा आर माचेत्	मोनेरियारी पोरहो- सोमानय निफुट पाडहावतारी रेयाक् हिंस
मोने साँवतारिया आनाटको	सोलहा एकमोक्को, माचेत्, साँवतेन कामीया सोलहाको, वार्डन आर नागरिक	लाकतीयान पाठवाको आइती गोडो एमाको
गाहीर आनाट /हाताड घोर	सोलहा एकमोक्को, संस्थान रेन डॉक्टर आर एटाक् गाखुडिया	बानिजानाक् बेबोसता

12. सानाहोप् आर सेटेर

(i) कोचिंग सेंटर भुरतीक् आर सिखनात कामीहोरा रेयाक् ओकते रे जाहाँय गे आरदासिच् पाठवा सालाक् धोरोम बोसो, जात, जानाड, जानाम जायगा, बोंसो एमान रेयाक् फेडात रे ओडसोड बाड होयोक्आ।

(ii) तिरला पाठवाको, बोरोच् पाठवाको आर धारे रे ताहेनान दोलको रेन पाठवाको जेलेका लिचाड थाक रेनको पाठवाकोवाक् बाइती उजीहोड को उसास लागित् कोचिंग सेंटर दारायते खास प्रावधान बेनाव दाडेयाक्आ।

(iii) कोचिंग सेंटर रेयाक् ओडाक् आर आडेपासे रेयाक् राचा रे बोरोच को लागित् ओनको लेका होयोक् मा आर बोरोच् होड कोवाक् आइदारी अधिनियम, 2016 रेयाक् प्रावधानको लेकाते होयोक्आ।

(iv) माचेत्को चेदोक् रेयाक् बेखेमोताको रेयाक् बाबोत रे मोनेलागावानाक् बेनाव दाडेयाक्आ आर चेद रेयाक् बेखेमोताको आन पाठवा को आवसान ते को आटकार दाडेयाक्आ।

(v) ओका हाबिच् होय दाडेयाक्आ बोरोच् कोवाक् गानोक् लेकाते प्रावधान जेलेका ब्रेल-ईरीडर आर आपसोरोक् ओडाक् एमान बेनाव दाडेयाक्आ।

(vi) बोरोच् पाठवाको गोडोवानाक् क्लास एम दाडेयाकोआ जाहाँटाक् आयाक् सेचेत् रे आइती गोडो रेयाक् ला कती होयोक्आ।

(vii) सेचेतरियारी सेंडाय लेकाते रे बैच जुदा बाङ गानोक्आ चेदाक् जे नोआ ते पाठवा कोरे अडी बाइती तेन होयोक् ताहेना आर उनीया मोनेरियारी निफुट रे एसेर होय दाडेयाक्आ। पाठवा कोवाक् भुरती /भुरती हाबिच् बैच बाङ फेराव दाडेयाक्आ। थार ले बैच बेनाव लाकतीया आर पाइहावतारी पुराक् हाबिच्।

13. दस्तावेज को जोगाव

(i) कोचिंग सेंटर दो नोइकान रिकॉर्ड, खाता, रजिस्टर से एटाक् दस्तावेज जोगाव दोहो आर सोदोर लाकतीया, जाहाँट ओण्डेन सोरकार दारायते गोटा दाडेयाक्आ।

(ii) कोचिंग सेंटर रिकॉर्ड लागित् सेरमाकिया रिपोर्ट सोमोल प्राधिकारी ठेन सोदोर दाडेयाक्आया।

14. कोचिंग सेंटर रेयाक् उचाइ रे बारोन

कोचिंग सेंटर एकेन रजिस्ट्रेशन पोरमान साकाम रे उदुक् आकान जायगा रे गे कोचिंग चालाव लाकतीया आर सोमोल प्राधिकारीयाक् लाहा ओल हेंसारी रेयाक् बेगोर ते, आयाक् रजिस्ट्रेशन आकात् जायगा इका कातेन एटाक् जायगा रे बाङ उचाइ दाडेयाक्आ।

15. कोचिंग सेंटर रेयाक् कामीकासनीको रेयाक् तुहकीत

सोमोल प्राधिकारी से ओण्डेन सोरकार दारायते जुम जाहाँय एटाक् आमला कोचिंग सेंटर रेयाक् कामीकासनीको जाव तानखीयाय आर जाहाँ गे कोचिंग सेंटर खोन रजिस्ट्रेशन रेयाक् लाकतीक् लेकमान रेयाक् पुरुन आर कोचिंग सेंटर रेयाक् तिरपितानाक् कामीकासनीको रेयाक् बाबोत रे कुलीया।

16. लालिस को रेयाक् फाण्डाव

(i) कोचिंग सेंटर रेन पाठवा, गालिम से ट्यूटर / कामीया दारायते कोचिंग सेंटर आक् बिरुद आर कोचिंग सेंटर दारायते पाठवा को/ गालिम आक् बिरुद सोमोल प्राधिकारी आक् सामाङ लालिस ओल दाडेयाक्आ। लालिसको रेयाक् फाण्डाव सोमोल प्राधिकारी से ओण्डेन सोरकार दारायते निया जोस लागित् गोठोन तुहकीत समिति दारायते पेगेल माहाँ भितरी होयोक्आ।

(ii) मेनाक् ओबोसता सोमोल प्राधिकारी से तुहकीत समिति रेयाक् रिपोर्ट रे काथा दोहोय रेयाक् दाँव एम तायो म, सोमोल प्राधिकारी डाण्डोम दाडेयाया सं रजिस्ट्रेशन ए बातिल दाडेयाक्आ।

17. डाण्डोम

(1) सोमोल प्राधिकारी ठेन मेनाक् सिविल न्यायालय को रेयाक् दाडे होयोक्आ। सोमोल प्राधिकारी ठेन जाहाँग केस बिचार लागित् ते नोङ्कान दाडे होयोक्आ जाहाँटाक् सिविल कामीहोरा तुमाल 1908 (1908 रेयाक् केन्द्रीय अधिनियम लेखा 5) रेयाक् उमुल रे न्यायालयको रे रेबेत् मेनाक्आ:-

(i) किरया साकाम रेयाक् दारायते साबुत सालाक् साखी आङ्गोचा,

(ii) जाहाँय होड होहोवा आर उनीयाक् सेटेर ओचोय ए गोटाया आर किरया ते उनीयाक् बिडाउ ए हातावा,

(iii) दस्तावेजको रेयाक् उपतान को लागूय, आर

(iv) खोरचा सिरपा एम,

(2) रजिस्ट्रेशन सं सोमानय सोरतो को रेयाक् जाहाँ गे नियाम आर सोरतो को रेयाक् ताडामपारोम बाबोत रे, कोचिंग सेंटर नियाम लेकाते डाण्डोम लागित् दायीय होयोक्आ:-

(i) पाहिल धाव काई लागित् 25000/- टाका

(ii) दोसार धाव काई लागित् 1,00,000/- टाका

(iii) इना तायोम काई लागित् ते रजिस्ट्रेशन बातिल काक्आ

18. रजिस्ट्रेशन बातिल

जुदी जोनोडाव सोमोल प्राधिकारी तिरमित मेनाया जे कोचिंग सेंटर दो जाहाँ गे प्रावधान ए ताडाम पारोमा, खान जोनोडाव आन रेयाक् ताडाम पारोम लागित् जाहाँगे एटाक् डाण्डोमानाक् कामीय रे उलटा एसेर होयोक्आ, कोचिंग सेंटर ए एम आकादा रजिस्ट्रेशन पोरमान साकाम जाहाँगे ओकते बातिल काक्आ। होर उदुक को रेयाक् ताडाम पारोम आकादा से जाहाँय गे नियाम आर सोरतो को रेयाक् ताडाम पारोम आकादा जाहाँटाक् रेयाक् ओधीन रजिस्ट्रेशन एम आकादे ताहेंकाना:

मेनखान, सोमोल प्राधिकारी दारायते नोङ्कान पोरमान साकामान प्रस्तावानाक् हुकुम रेयाक् बिरुद ओजे लाई रेयाक् गानोक् दाँव एमाय बेगोर जाहाँन हुकुम बाय पासा।

19. अपील रेयाक् कामीहोरा

जाहाँय कोचिंग सेंटर दो रजिस्ट्रेशन लागित् ते बाडः से ओना रेयाक् नावाँ आरोय से रजिस्ट्रेशन बातिल रेयाक् हुकुम ते दुक् जाहाँय होडि गे हुकुम रेयाक् जाम रेयाक् माहित् खोन पेगेल माहाँ भितरी रे, ओण्डेन सोरकार दाराय ते लाई भावाँर ते अपीलान प्राधिकारी ठेन आपील मे।